

# 3 JOWÃW

## Gajo hã Jowãw ma erih do hahÿÿh

<sup>1</sup>ÿ, Jesus hã h'yy ka'eeh do sa wahë n'aa ÿ ramaneëenh doo, ÿ edëng òm Gajo. Baad òm ÿ kamahãh.

<sup>2</sup>ÿ karën paawä baad a h'yyb P'op Hagä Do wë, najis ÿÿ. ÿ karën paawä dooh manahëë nyy bä. <sup>3</sup>Tak'ëp ÿ tsebee wäd kãn ÿ ky n'aa napäh do hyb n'aa a ky n'aa ër wakãän Jesus hã h'yy ka'eeh do wób rahe'oot doo. Baad had'yyt mä mabawät baad hadoo do ky n'aa metëëh doo da, sa nooh. Dooh m' mah'yy gajëë hõm bä ta hã, sa nooh. <sup>4</sup>Tak'ëp né hë ÿ tsebë, baad hadoo do ky n'aa metëëk doo da tah haa hedoo do rababok ÿ ky n'aa napäh bä. Dooh hahÿ hadoo pé tak'ëp ÿ tsebë péh.

<sup>5</sup>Najis ÿÿ, baad had'yyt hë mamasaa wät ër wakãän Jesus hã h'yy ka'eeh do bahë'ëen doo, ma metëëk doo, mahep'ëeh do nado né paawä. <sup>6</sup>Ta ti rahe'oot babä Jesus hã h'yy ka'eeh do sa hã nyy da makamahãh wät sa hã. Taw'ãäts hë P'op Hagä Do gen'aak doo da mamasaa ta ti ër wakãän ramahõm me ramahũum péh. <sup>7</sup>Ta ti rabahõm jé pad'yyt hë Jesus Kristo ky n'aa rabaher'ood hõm hyb n'aa. Dooh ragado bä dajëër hadoo doo, sa waa hadoo do P'op Hagä Do sa h'yyb gó nahapäh do sa hanaa. <sup>8</sup>Ti hyb n'aa, taw'ãäts hë ër gadoo ta ti hedoo do ër tób yt hã, taw'ãäts hë ër masa sa hã. Tii da ër adoo bä, ër masa baad hadoo do ky n'aa ramaher'ood hõm do hã.

<sup>9</sup>Jesus hã h'yy ka'eeh do bë panang bä habong do ÿ ma erii wät. Ti hadoo né hë, ta ti Dijoteréh, sa bahãnh karën do nu gadäk doo, dooh ÿ taky dahé bä. <sup>10</sup>Ti hyb n'aa, bë ÿ bahëhëen bä ÿ naëenh da ÿ nabuuj gedoo hyb n'aa nesaa do tamoo wät do hyb n'aa, ãã tanu mer'oot do hyb n'aa, ãã taky n'aa rejãã do hyb n'aa. Hajõng baad nadoo do tamoo wät doo. Dooh tagado bä ër wakãän Jesus hã h'yy ka'eeh do heh'ëen doo. Ta wób rakarën paawä ragadoo, tameduuk raganadoo hyb n'aa. Jé gadoo do tah'eed h'ũum Jesus hã h'yy ka'eeh do sa mahãnh.

<sup>11</sup>Najis ÿÿ, taw'ãäts hë hanäm do mamoo wät. Mamoo wäd manä nesaa doo. Baad hadoo do moo wät doo, P'op Hagä Do karapee né hë tii. Nesaa do moo wät doo, dooh P'op Hagä Do tahapëë bä ta h'yyb gó. <sup>12</sup>Taw'ãäts hë mamasaa Demeet. Jé pad'yyt hë raj'aa etsë ta hã, baad tabawät do hyb n'aa. Baad

hadoo do ky n'aa metëék doo da tabawät. Baad ub tabawät ta ti tametëeh. Äã hä na-ãäj né hë, baad äã hä tabawät. Mahapäh né hë, äã ehub né hë äã her'oot doo. Ti hyb n'aa taw'ääts hë mamasaa.

<sup>13</sup>Ti anäng nä hajõng nä õm ÿ maher'oot do pan'aa. Dooh ÿ karën bä ÿ erih doo gó õm ÿ maher'ood bä. <sup>14</sup>ÿ karën paawä nyyw hë õm ÿ bahehëen. Tii bä er ber'oot.

<sup>15</sup>ÿ karën h'yyb nyyw gó baad mabawät. Èr najiis babä habong do õm rahyb n'aa esee mäh. Sét ken'yyh mamaher'ood ÿ kedëng najis haa t'ĩ hënh habong do hä. Jääm hë kä.